

# Cannabis im Kaajiriri



Ejjab eman ñan kōjerbale cannabis ilo ien eo kwōj kaññin ajiri eo nejūm. Ñe kwōj kōjerbale naan in rōjañ kein ilo pepa in ilo an diik am kōjerbale cannabis, jibāñ ko ilo am kaajiriri/kaniññin emāroñ in laplok jān ta ko rej walok ñe ewōr cannabis ilo miliik eo am.

## ***Ta in cannabis?***

Cannabis (maijuana, wiit, bōt) ej juōn menin eddek eo kwōj māroñ in kōbaatat im kōbaatat jarōm, mōññā, akō likit ilo kilim. Cannabis ej iwaj ilo eloñ wāwein, kōba ippān wut, jikka, Tetahydrocannabinol (THC, Uno eo ej pād ilo kein kōbaatat ko) mweiuk ko, im men ko kwōj māroñ in mōññā. Eloñ ian men ko rej walok elikin am kōjerbale cannabis ej itok jān THC.

## ***Cannabis akō THC rej ke māroñ in deļoñ e niññin/ūb miliik?***

Aet. Ñe kwōj kōjerbale cannabis, miliik eo am enij wōr THC ie. Kūriij ko ilo miliik eo im ilo kōmalij ej kepaak THC. Enij wōr THC ilo miliik eo am jokdoon ñe kwōj kōbaatata, moña, akō kōjerbale wāwein ko jōt.

## Ta eo kwōj kōmmane mokta, ilo tōrre eo, im elikin am kōjerbale cannabis

### Mokta jān am bōk cannabis:

- Bulāān in kōmman kijen ajiri eo nejūm. Baṃ im kakwōne miliik ko am, wia miliik bota, akō wia miliik jān bar juōn armij.

### Mokta jān am bōk cannabis:

- Jab kōbaatat akō kōbaatat jarōm imaan mejan ajiri eo nejūm, ijo ajiri eo nejūm ej jokwe, akō jikin ko elap aer kilōk āinwōt wa.

### Elikin am bōk cannabis:

- Kwōj māroñ in lelak kijen ajiri eo nejūm, miliik bota, akō miliik eo kwar baṃ mokta jān am bōk cannabis ko.
- Kwōj māroñ in baṃ bwe en eman lak am mour im jolōk miliik eo kwōj baṃ ñan ñe ejelōk THC ie.
- Ikukut am baṃ ej kōmman juōn wāwein eo eman ñan am najidiṇ ajiri eo nejūm im kōjbarōk joñan miliik eo kwōj kōmmane.
- Kottar elaplōk jān 1 awa elikin am bōk cannabis mokta jān am kaniññin ajiri eo nejūm. Ilo an aitoklak am kōttar ñan kaniññin elikin am kōjerbale cannabis, elaplōk an eman ñan ajiri eo nejūm.

## Kōjbarōk eok im ajiri eo nejūm bwe en eman amiro ejmour

- Bōk juōn vitamin ewōr iodin im leen wōjke ko emeram kōlar ko aer im pejtōbō! ñan kaḷapḷok kajur ilo miliik eo am.
- Kōnnaan ippān jikin taktō eo an ajiri eo ñe elaplōk an ajiri eo mejki jān mokta, ebin an ṃōñā akō ñe ebin lojen.
- Bukōt juōn rilale ilo ien eo kwōj kōjerbale.
- Jab ettōr elikin am kōjerbale cannabis.
- Kajeoñ jab kiki tūrin ajiri eo nejūm elikin am kōjerbale cannabis. Kwōj pād ilo kauwōtata elap ilo am kōmman jorāān ñan ajiri eo nejūm. Karōk in kiki eo elaplōk an kōjbarōk ej ñan am pād ilowaan juōn wōt ruum ippān ajiri eo nejūm ilo an lōñ an māke jikin kiki.
- Kwōj māroñ in kadilak an wōr men ko rejjab eman im ewōr THC ie ilo ajiri eo nejūm ilo am kadiklak am kōjerbale cannabis. Kadiklak am kōjerbale cannabis, bōk THC mweiuk ko ediklak jorāān (bukōt % in THC ilo pepa ok an) im bōk ediklak ien.
- Kōjbarōk eok māke im ajiri eo nejūm jān an et bwiin kōbaatat ilo am jab kōbaatat/kōbaatat jarōm tūrin ajiri eo nejūm akō ilo mweo imōm. Kōjbarōk eok māke im ajiri eo nejūm jān an et bwiin kōbaatat ilo am jab kōbaatat/kōbaatat jarōm tūrin ajiri eo nejūm akō ilo mweo imōm.
- Kōjerbale men ko kwōj māroñ in ṃōñā ijelakin am kōbaatat akō kōbaatat jarōm; enij laplōk am kōjbarōk ajiri eo nejūm jān an et bwin kōbaatat ko.
- Kōjbarōk jikin kakwōn cannabis im uno ko rekajur. Elaptata an aurōk ñe ewōr ajiri ro jōt ilo mweo imōm.
  - **Ñe kwōj lōmṃak ajiri eo nejūm emōj an orañḷok cannabis**, kūrḷok Poison Control (Jikin Kantūrol Baijin) ilo 800-222-1222.
  - **Kurḷok 911** ñe ajiri eo nejūm erumij lak an menono, bōjrak an menono, ben an ruj, ñe kilin akō tien ej kōlar būlu, emōjno, elap an mejki, akō emōj an jino emmōj im/akō bidodo lojen im enak bōjrak.



## Wāwein an cannabis jelōt an ajiri

Ejjab lukkun lap melele ko kin kōjbarōk jān cannabis ilo ien kaajiriri. Epāāke cannabis emāroñ in tōl ñan:

- Jidik, jorāān ko rellap ilo enbwinnim im kōmalij ilo aer eddeklak.
- Ajiri ro rej ion e an diiklak aer māroñ an jimwe eñjake ko aer.
- Ajiri ro rej ion e jorāān ko ilo kiki im emourur.
- Laplok kauwōtata in Nañinmej in an Ajiri Mokaj aer Jako (SIDS).

### Jorāān ko elaplok aer walok

Ilo am kōjerbale eloñ mottan cannabis  
Kōjerbale kajur lak (laplok THC %) cannabis  
Kōjerbale cannabis eloñ alen  
Kōjerbale uno ko rekajur āinwōt  
K2 akō Spice

### Jorāān ko elaplok aer māroñ in walok

Ilo am kōjerbale diiklak mottan cannabis  
Kōjerbale diiklak an kajur (diiklak THC %) cannabis  
Kōjerbale cannabis ilo an jab ikutkut lak  
Baṃ im jolok emāroñ in 1 awa elikin am kōbaatat cannabis

### Kōjbarōk eo eman tata

Jab kōjerbale cannabis

## Kadiklak am kōjerbale cannabis

Kōjerbale cannabis emāroñ in jelōt ejmour eo am. Et bwiin kōbaatat in jabdewōt kain ejjab eman ñan eok im ār ko am. Kojebale cannabis emāroñ in kōmman bwe en nana lak ejmour eo an kalmenlakjān āinwōt nañinmej in bipolar akō schizophrenia.

Kōnnaan ippān jikin taktō eo am akō kūrlok [Washington Recovery Help Line \(Lain in Jibāñ Ejmour an Armij ilo Washington\)](#) (ilo Kajin Pālle) ilo 866-789-1511 ñan jibāñ akō melele ko kin wāwein am jolok akō kadiklak am kōjerbale.

Kwōj ke kōjerbale cannabis ñan lale kakōlle ko an juōn nañinmej? Kōnnaan ibben taktō eo am kake kakōlle ko am im wāwein ko jōt elaplok aer kōjbarōk ilo ien kaajiriri.

*Armij rej kōjerbale naan ko rej oktak ñan kōmmelele kin enbwinnim. Jōt jinen akō jemen ajiri rekar ukōte enbwinnim rej kōjerbale "ūb" ijelakin "niñniñ." Ilo pepa in, jej kōjerbale kaniññin im kaajiriri āinwōt naan ko rej juōn wōt. Kaajiriri ej juōn wāwein eo im enbwinnim ej kōmman miliik ñan an naajidiñ ajiri ro.*